



BIHAĆ SIPA uhapsila 47-godišnjaka

KUPIO ŽENU, PA JE NA PROSJAČENJE

Žrtva je punoljetna žena, blago ometena u razvoju, koja je svakodnevno bila izložena nehumanom postupanju i raznim torturama
• Nakon krim-obrade, osumnjičeni će biti predat Tužilaštvu BiH

Pripadnici Državne agencije za istrage i zaštitu (SIPA) jučer su na području Bihaća uhapsili Avdiju Osmanovića (1968) zbog sumnje da je počinio krivično djelo trgovine ljudima, te pretresli objekat koji on koristi s ciljem pronalaska predmeta i tragova koji mogu poslužiti kao dokaz u daljem postupku.

Organizovana mreža

Provedenim istražnim radnjama utvrđeno je da je Osmanović A. Š, žrtvu trgovine ljudima, kupio, a zatim držao u ropskom odnosu u periodu dužem od dvije godine, te upotrebom sile i drugim oblicima prinude primoravao da svakodnevno prosjači i donosi mu novac koji pribavi na taj način, izlažući je pri tome svakodnevnom fizičkom, psihičkom i seksualnom nasilju, čime je počinio krivično djelo trgovina ljudima u svrhu radne eksploatacije.

- Ukoliko ne bi donijela traženi novčani iznos, osumnjičeni je žrtvu surovo kažnjavao i fizički, psihički i seksualno zlostavljao, sa-



Sa privođenja osumnjičenog u prostorije SIPA

Foto: SIPA

pćili su iz SIPA.

Žrtva je punoljetna žena blago ometena u razvoju, koja je svakodnevno bila izložena nehumanom postupanju i raznim torturama, a svaka njena neposlušnost kažnjavana je na najsuroviji način.

Navedene aktivnosti realizirane su po naredbama Suda BiH i Tužilaštva BiH, istakli su iz ove policijske agencije.

Inače, SIPA je u prethodnom periodu Tužilaštvu BiH podnijela izvještaj o počinjenom krivičnom

djelu i počiniocima protiv nekoliko osoba u ovom predmetu, a provedenim istražnim radnjama utvrđene su nezakonite aktivnosti osumnjičenih osoba, dok je žrtva trgovine ljudima na adekvatan način zbrinuta.

Kako saznajemo, žrtva trgovine ljudima u ovom slučaju odrasla je u nekom domu na području srednje Bosne, prije dolaska u Bihać korištena je za prošnju na cijeloj teritoriji BiH, što ukazuje na postojanje organizovane mreže trgo-

zbog trgovine ljudima

PRIMORAVAO



Morala svakodnevno da prosjači

vaca ljudima koji žrtve preprodaju jedan drugom.

Nakon kupovine, žrtva se tjera na prosjačenje kako bi "otplatila" hranu i smještaj, ali i pare za koje je kupljena. Iako organi gonjenja u našoj zemlji imaju indicije o postojanju organizovane mreže prosjaka, u BiH, zvanično, toga nema, jer nije zabilježena ni jedna pravosnažna sudska presuda...

Prema riječima stručnjaka, u ovakvim slučajevima možda se radi o običajnom pravu Roma da kupuju sebi žene, što kriminalci iskorištavaju i tjeraju žrtve na prosjačenje.

Dodajmo da je Osmanović priveden u službene prostorije SIPA gdje će se nad njim izvršiti kriminalistička obrada, nakon čega će biti predat Tužilaštvu BiH na dalje postupanje, a SIPA nastavlja dalje aktivnosti u ovom predmetu do njegovog okončanja.

Nakon što ispita osumnjičenog, postupajući tužilac će donijeti odluku o eventualnom prijedlo-

gu za određivanje mjere pritvora.

Kažnjavanje počilaca

Iz Tužilaštva BiH navode da zajedno sa nadležnim policijskim i bezbjednosnim agencijama poduzimaju intenzivne aktivnosti u borbi protiv svih oblika trgovine ljudima i iskorištavanja bespomoćnog i teškog položaja žrtava, u svrhu seksualne, radne ili druge eksploatacije radi kažnjavanja počilaca ovih krivičnih djela te pružanja pomoći i zaštite žrtvama.

"SIPA će u okviru svojih nadležnosti, u saradnji sa Tužilaštvom BiH i Udarnom grupom za borbu protiv trgovine ljudima, nastaviti aktivnosti na sprečavanju, otkrivanju i dokazivanju ovog vida kriminala, za koji se često kaže da je moderni oblik ropstva, a kojim se krše temeljna ljudska prava i uništava dostojanstvo žrtava, čak dugo vremena, nakon što eksploatacija prestane", saopšteno je iz SIPA. **D. P. - F. B.**